

# Societad da tir Vial Sumvitg

Menader: Cajochen Gion Plazzas 7173 Surrein Natel: 079 850 34 63

Cuors da sittar per tiraduras e tiradurs giuvens 2016

Cunquei che nus vein menau atras igl onn 2015 il cuors da tiradurs/as giuvens cun suzcess, selegrein nus da puspei porscher aschia in cuors igl onn 2016.

Cun la revisiun dallas perscripziuns da tir 512.31 astgen svizras e svizers da 15 onns entochen 20 onns far diever dil cuors da tiradurs/as giuvens.

Il cuors da tiradurs/as giuvens ei ina scolaziun primara alla buis da sagl 90, pia ina preparativa avon che ira alla scola da recrut.

Quei cuors ch'ei gratuits ei buca mo ina preparativa per talas e tals che fan part alla scola da recrut, mobein quel porscha a tuttas svizras e a tuts svizers dallas annadas 1996 – 2002 in bien fundamet co ira entuorn cun in uaffen da sport sco era in entrada faszinonta en il mund da tir sportiv e da prezisiun sin 300 meters.

Sper il cuors che vegn repartius sin 10 dis (inclusiv il tir campester ed obligatori) haveis aunc la caschun da prender part al tir da pac (giuvens tiradurs) sco era a tirs da gruppas e singul ordeifer da nossa regiun.

Ei fages a nus grond plascher d'astgar beneventar ina gronda retscha da giuvnas e giuvens che anflasen il sport da tir sco siu hoby preferiu.

Per damondas stun bugien a disposiziun. **Davos termin d'annunziar mardis ils 16 da mars 2016**

Cun salids sportivs per il menader

Eugen Giger